



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 43. Pax Rastadiensis & Badensis, ejusque articuli.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

literis admonuit, id esse subdolum re-
 fractariorum commentum, proin ipse
 ejus falsitatem omnibus notam face-
 ret, firmiterque sibi persuasum haberet,
 Clementem nunquam aliter sentire, aut
 sentiisse, quam in sua Constitutione
 mentem suam exposuisset: eapropter
 Nuntio præcepit, ut si a Refractariis
 nomina detegerentur eorum, a quibus
 præfatam notitiam accepisse jactarunt,
 illa protinus Sanctitati suæ significet.

Sæc. XVIII.

A. C. 1714.

§. XLIII.

Pax Rastadiensis, & Badensis.

Fervente in Galliis bello Ecclesiastico
 Rastadii in Germania serio agebatur
 de stabilienda firma pace Franciam in-
 ter & Imperium: Jam anno priori Eu-
 genius Princeps & Villarius Marchio
 Rastadii convenerant: Habebantur
 creberrimæ consultationes, Villarius
 tamen Regis sui nomine tam duras of-
 ferebat condiciones, ut Eugenius jam
 inde fuisset recessurus, nisi Villarius
 æquiora a suo Rege expectari posse pol-
 licitus esset. Proposuit Eugenius de-
 nuo novas futuræ pacis leges, quibus
 tamen rejectis post acres disceptatio-
 nes, mutuasque contradictiones Euge-
 nius die secunda Februarii Rastadio
 Ludoviburgum ad Principem Wirten-
 literis

Hist. Eccles. Tom. LXVIII.

Uu ber-

Sæc. XVII. bergensem abiit, ibidem responsum ad
A. C. 1714. transmissos pacis articulos a Galliarum Rege expectaturus. Advenerat ejusdem Mensis die vigesima octava Condatus Marchio Parisiis reversus, qui Principi Eugenio significabat, Regem suum adeo pacis cupidum esse, ut hoc negotium pene confectum videretur, paucaque restarent, quæ tamen in biduano colloquio facile componi possent. Continuatis igitur aliquot dierum consultationibus tandem die sexta Martii præliminares, ut vocant, articuli Rastadii fuere conclusi, qui sequenti die a Cæsareis, sexta autem Aprilis a Gallis subscripti fuere: ut vero hæc pax publica esset, solemnior congressus Badenæ in Ergovia habendus decernebatur. Huic initium datur die quinta Junii: excitatur omnium, quorum intererat, res suas procurandi sollicitudo; Bavarus æque ac Colonienfis Electores suam urgent restitutionem, Palatinus superiorem Palatinatum, & Chamensem Comitatum amittere veritus, jacturam reparari sollicitat, quisque damna præcavere, jura stabilire, parta conservare satagit: Pontifex quoque de rei Catholicæ dispendio non minus quam augmento sollicitus, jam die vigesima nona Maij, Ludovicum Regem, & secunda Junii Carolum

lum Imperatorem, & vigesima nona Sæc. XVIII.
 Augusti Eugenium Principem rogabat, A. C. 1714.
 ut orthodoxæ fidei rationes suis in hoc
 conventu Administris impense com-
 mendent, eisque injungant, ut Eccle-
 siarum omnium ad Catholicos perti-
 nentium jura defendant, bonaque Mo-
 nasterio S. Galli ab Helvetis erepta re-
 stitui strenue adlaborent: ad eosdem
 quoque Principes & Palatinum Electo-
 rem die decima quarta Julii literas de-
 dit, exponens, quod Berolinensis Cu-
 ria die vigesima prima Aprilis decre-
 tum ediderit, vi cujus omnes Eccle-
 siastici enixis officiis agere jubentur,
 ut articuli in pace Rysvicensi & Ra-
 stadiensi in favorem Catholicæ Religio-
 nis firmati aboleantur: Pontifex igitur
 hoc decretum annullari, ea vero,
 quæ in hisce tractatibus pro eadem re-
 ligione constituta fuerunt, in Badensi
 Conventu rata haberi petiit, suo in-
 super Nuntio Dominico Passioneo in-
 junxit, ut Templum a Calvinistis Ba-
 denæ recens apertum obstrui, & quar-
 tum Rysvicensis pacis articulum con-
 servari curet. Die autem septima Se-
 ptembris tandem pax utrinque con-
 clusa & trigesima Octobris in Imperii
 comitiis rata habita est, vi cujus statu-
 tum, ut omnia restituantur secundum
 pacem Rysvicensem, nisi aliter hic de-
 U u 2 cre-

Sæc. XVIII. cretum sit, & primo quidem Domui
A.C. 1714. Austriacæ vetus Brisaccum, Fribur-
 gum, Brisgoja, Sylva nigra (salvo jure
 Diæcesis Constantiensis) Kehlense mu-
 nimentum cum libera per Rhenum na-
 vigatione & Belgium, Tornacum, Me-
 nina, Ipris, Düxmüda, Furnæ, Lucke,
 Russelans, Popperinga, Warneton red-
 dantur &c. in Italia Regnum Neapoli-
 tanum, Mediolanum, Sardinia, Portus
 Hetruscus uti hæctenus Carolus II. posse-
 derat, cedantur. Galliarum Rex obtineat
 Landaviam, sed omnia recens erecta pro-
 pugnacula ad Rhenum demoliatur, Im-
 perii statibus ablata & ea pace restituenda
 restituat, collatam Hannoverano Ele-
 ctorem dignitatem agnoscat. Electo-
 res Colonienfis & Bavarus petita a Cæ-
 sare feudorum innovatione plene resti-
 tuantur, vicissim vero Bavarus resti-
 tuat Belgium, & si suas Regiones per-
 mutare velit, non obstet Rex Franciæ:
 ab eodem in locis cessis constituti Ec-
 clesiastici permaneant, ibidemque sem-
 per religio Catholica conservetur, &
 in Senatu soli Catholici sint, bonaque
 Ecclesiastica restituantur, & Beneficia
 iis maneant, qui durante bello eadem
 Canonice obtinuerunt. Denique Gel-
 dria, salva religione Catholica, Bo-
 ruffo, & Hünninga Domui Badensi ce-
 datur. Hunc vero articulum quoad
 reli

religionem a Boruffo fervatum non fuiſſe, Pontifex die undecima Auguſti apud Cæſarem & Franciæ Regem vehementer querebatur. Adverſus hoſce articulos reclamabat Papæ Nuntius, multique Principes, præcipue vero Proteſtantes, fruſtra petentes, ut Riviſiſis pacis clauſula aboleretur, e contra vero Pontifex gratum animum erga Cæſarem & Ludovicum Regem die vigefima nona Septembris ſuis literis profitebatur, quod eorum opera & præſidio eadem hæc clauſula intacta, atque inviolata permanferit.

Sæc. XVIII.
A. C. 1714.

§. XLIV.

*Casparis Carpegnæ Cardinalis
obitus.*

Mortis invidia hoc anno Sacro Purpuratorum Collegio erepti ſunt quatuor Cardinales: ex his prior erat Caspar Carpegna ſeu Carpineus patria Romanus, qui generis ſui nobilitatem meritorum ſplendore illuſtorem reddidit; quippe ſub Parentum disciplina pie ac liberaliter inſtitutus, in omnibus humanis, ſacrisque ſtudiis adolevit, & non raro eximia profundæ uberimæque eruditionis ſpecimina edidit; quapropter ab Innocentio X. Signaturæ, ab Alexandro VII. Rotæ Romanæ Auditor,

Guarnac.

Vit. Pontif.

t. I. p. 19.

Uu 3

ditor,